



30. juni 2022

Inatsisartut ingerlatsinermut maleruagassaasa § 37 imm. 1 tunngavigalugu Naalackersuisunut ukuningga apeqquteqaateqarpunga:

Naalackersuisunut apeqqutit:

1. Ado Lyngé Atuarfia Aasianniittoq Naalackersuisut siunissami qanoq pilersaaruteqarfigaat?
 - a. Aningaasaliissutit annertusinissaat annikillisinnissaaluunnit pilersaarutigineqarpa? Akissut tunngavilersorneqarnissaa kissaatigaara.
 - b. Aningaasaliissutit ilinniartitaanermut aqutsisoqarfimmiit isumaginninnermut aqutsisoqarfimmut nuunneqarnissaat pilersaarutigineqarpa? Akissut tunngavilersorneqarnissaa kissaatigaara.
2. Sooq atuarfimmiit ukiumoortumik nalunaaruteqartannginnerat Naalackersuisunit nassuiarneqarsinnaanerluni?
3. Ado Lyngé Atuarfia kikkunnut tulluussagaanersoq Naalackersuisut nassuiaasinnaanerlutik?
 - a. Kina atuarfimmut innersuussisinnaava?
 - b. Innersuussisarnermut naliliisartunullu nalunaarsuuteqaruni suuppat?
 - c. Meeqqat kikkoqqissaat atuarfimmut tulluunnerannut kikkut aaliangiisartuuppat?
 - d. Meeqqat ADHD-mik sakortuumik atugallit atuarfimmut tulluunnersut Naalackersuisut nassuiarsinnaanerlunikku?
4. Meeqqat atuarfik qimakkaangamikku inuiaqatigiinnullu misiliutitut nammineersinneqaleraangata suliniutit suut ingerlanneqartarpat?
 - a. Suliniutinut taakkununga nalilersuisoqartarnerluni?
 - i. Angusassatut nalunaarsuutininik allattorsimaffeqarpa?
 - b. Inuusuttut siunissami inuiaqatigiinni inooqataalernissaannut kikkut akisussaasutut inissinneqartarpat?
5. Meeqqat/inuusuttut maannakkut Ado Lyngé Atuarfiani atuartut kikkuppat, ukiui aammalu suut nappaatit suussusersineqarsimaneri agguataarneqarneri aallaavigalugit
6. Ilinniarsimasut sorliit maannakkut atorfeqarpat?
 - a. Sulisuni taakkunani qassit ilinniarsimasuuppat?
 - b. Qaammammut ilinniarsimannngitsumik sulisoqartarneq tiimit qassiuppat?
7. Qanga kingullermi atuarfimmi nakkutilliiartortoqarpa?
 - a. Nakkutilliiartornermi suut ilisimatitsissutigineqarpat?
8. Ukiut qulit kingulliit qasseriaq nakkutilliiartortoqarsimava?
 - a. Ukiuni qulini kingullerni nakkutilliiartortoqartarsimaneranit ilisimatitsissutit suut piusarsimappat?



9. Naalackersuisut pineqartumut allanik paasissutissiisinaanerlutik?

(Inatsisartunut Ilaasortaq Anna Wangenheim, Demokraatit)

Tungavilersuut

Meeqqatta inuusuttattalu eqqarsartaatsikkut timikkullu innarluutillit inuiaqatigiitsinni inuunerissaarnerunissaannut qanoq piareersarneqartarnersut paasisaqarfigissallugu soqutigaara, peqataatitsineq inissaqartitsinerlu annertunerusumik annertusiniarlugu. Meeqqat inuusuttullu kommuunini meqqat atuarfiiniit ajornerusumik atugassaqannginnissaat anguniarlugu aqqissuusseqqinnissamut sakkussanik pisariaqartitsivunga.

Ado Lynge Atuarfia ukiut 25 sinnerlugit piusimavoq, paaserusupparalu meeqqat inuusuttullu inerikkiartornermikkut ajornartorsiutillit inuiaqatigiinnut isernissaminnut inissaqartinneqarlutik akuerineqarlutillu misiginissaat annertunerpaanissaa anguniarlugu Naalackersuisut qanoq suliniuteqassanerlutik eqqarsaatersuuteqarnersut.

Inissisimaffik uaniippunga atuarfimiit ukiumoortunik nalunaarutininik takusaqarsinnaananga, naak atuarfik aningaasanut inatsi aqqutigalugu aningaasaliiffiqineqarnikuugaluartoq. Pingaaruteqarpoq politikkeritut ilisimaareqqissaassagipput aningaasanut inatsimmi pituttorsimasagut ilumut isumalimmik ingerlanneqarnersut.

Apeqqutit ullut qulit suliffiusut iluanni akineqareersimanissaat kissaatigaara.